



24

34
=

38
no. 1
R E C I T

V E R I T A B L E

de la prise, par force, de
la Ville d'Albiac près
Montauban.

Du onze d'octobre 1621

E T P U N I T I O N D E S

habitans d'icelle, mis & tailleZ en
pieces, pour cause de perfidie
& Rebellion.

Par Monsieur le Duc de MAYENNE.



A P A R I S,

Chez PIERRE ROCOLET, au Palais, en
la Gallerie des Prisonniers.

M. D C. X X I.

A V E C P E R M I S S I O N.

Case

F

39

1526

1621-2X

THE NEWBERRY
LIBRARY



*Recit veritable de la prise par force
de la Ville d'Albiac, pres de Mon-
tauban, & punition des habitans
d'icelle, mis & taillez en pieces.*

¶ On sieur le Duc
de Mayene, qui
n'a passion plus
grande que de faire servir
& obeir le Roy: condui-
sant huit mil hommes
dans la Guyenne, & sur
les frötieres du Quercy,
& Languedoc, ne s'est

A

donné aucun repos depuis tantost trois mois, qu'il n'ait reduict en devoir ceux de la Religion pretenduë reformée, qui ont voulu tenir comme rebelles contre les armes & commandemens de sa Majesté.

Albiac est vne petite ville, distãte de fort peu de Montauban, où les habitans font profession de ladite Religion pretenduë reformée, & à l'imitation des autres villes

desobeyssantes, vouloit
faire mine de se deffen-
dre.

Monseigneur le Duc de
Mayenne qui en eut ad-
uis, s'y achemine avec
ses troupes, nonobstant
sa fiebure, qui l'incom-
mode fort, & alentist
beaucoup de beaux ef-
fects de sa valeur, & de
son courage; Il somme
ceux de ladite ville d'Al-
biac de se remettre en
l'obeyssance du Roy; a-
pres plusieurs allées &

venuës, ils enuoyerent finalement deux Capitoux vers ledit Seigneur Duc, pour l'asseurer qu'il feroit le bien venu à la ville, & que fort volontiers ils luy liureroient les clefs, en luy venant au deuant : Monsieur le Duc de Mayenne les remercie de leur bonne resolution, les louë de s'estre (disoient-ils) soumis à l'obeyffance de sa Majesté, dist qu'ils ont tresbien faict, & beau-

coup faict pour eux, leur
promettât les aller voir
en peu d'heures.

Pendant cela, par vn ac-
te de perfidie & desloy-
auté, ayant aduis d'vn
nouveau secours de gens
de guerre, qui leur ve-
noit de la part de ceux
de Montauban, ils se re-
soudent contre leur foy
& promesse, de deffen-
dre la place contre les ef-
forts de l'armée du Roy,
& sçachant la promesse
que ledit Seigneur Duc

leur auoit faicte de les aller voir, sur l'assurance de leur foy, ils luy preparent vne embuscade, pour le perdre & surprendre.

27 Monsieur du Mayne fondé sur leurs promesses, ne croyant pas que des gens qui se disent tât bons seruiteurs du Roy, luy eussent voulu machiner quelque ruyne, fit aduancer ses fourriers le 11. Aoust, & deux cens hommes pour marquer les

les logis, ils y vont souz
la foy promise, ils en-
trent dedans, mais au
lieu d'estre receuz fauo-
rablement, ils trouuerēt
les maisons garnies de
soldats & gens-darmes
armez, qui de tous co-
stez les attaquèrent si ru-
dement qu'en peu de
temps il y en eut vn grād
nombre de tuez & oc-
cis, de reculer il ny auoit
aucun moyen, on auoit
fermé les portes sur eux,
plusieurs vaillans soldats

des nostres leur feirent
acheter leur vie bien
chere : Cependant ils
se retrancherent dans
les faux-bourgs , &
y meirent quatre cens
soldats pour receuoir
monsieur du Mayne, s'il
y venoit : monsieur du
Mayne qui approchoit
auec son armée, & croi-
oit entrer dans la ville,
fut estonné qu'on le sa-
luë à coups de mousque-
tades, & apperceut le re-
tranchement des enne-

mis, il se doute aussi-tost
de la trahison, cela luy
enfle le courage, & bien
qu'il fut trauersé, il y a
long temps d'une fièvre
quarte, & que ce iour
estoit le iour de son ac-
cés, il brocha, & mit à
son pied toutes ces di-
cultez, & poussé d'un
cœur vrayement mar-
tial, se tournant vers son
armée, il les enflamma
à rompre les barricades,
ses paroles portent les
effets, ils se jettent d'un

plein fault dans les tranchées, les outrepercent tant d'estoc que de taille, arriuez aux portes de la ville, les ennemis estimoient arrester leurs courses, avec l'oppositiō de leurs ponts, portes & barricades: mais ce guerrier est vn torrent qui passe, rauage & atterre ce qu'il rencontre, il fait attaquer la ville de tous costez, il renuerse les portes, entre victorieux au milieu de ces rebelles,

& en recōpence de leurs trahisons, rompt, abat, massacre, tuë, saccage, ce qui luy vient au deuant, rien ne le peut empescher, il met le feu aux quatre coings, pille vniuersellement toute la ville, tant est grande la iuste cholere d'un Prince quant vne fois il a laché la bonde, & les excluses à ses martialles ardeurs.

Plusieurs cependant de ces mutins, se retire-

rent dans vn fort, qui est
dans ladite ville, pensant
estre en sauueté : mais ce
Prince qui ne peut trou-
uer aucun obstacle les in-
uestit, & les pressa de tel-
le façon , qu'ils furent
contraincts de parlemē-
ter: monsieur de Mayen-
ne les receut à sa discre-
tion, à la charge d'en fai-
re comme bon luy sem-
bleroit , lesquels estant
fortis comme premiers
pilliers & fondemens de
la conspiration qui auoit

esté faite, ils les fit decimer, c'est à dire, de dix il jettoit au sort, & celuy qui estoit le dernier estoit enuoyé au gibet, les autres dōnez aux soldats à en faire à leur plaisir.

De sorte que de ceste ville, il n'est demeuré que le nom: car tout y a esté rauagé, pillé, & abbattu pour recōpence de leurs trahisons: De là il tourne droict à Montauban, où il est de present, & fait paroistre la gran-

deur de son courage.

Voila les effets merueilleux de ce Prince, en ces quartiers là , cependant qu'en Languedoc , les troupes de mōsieur de Montmorency ont surpris les munitions & armes que l'on trāsportoit à Montpellier, l'on tient qu'il y en auoit biē pour armer huiēt ou dix mil hommes.

F I N.